

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/121, 08.12.2020թ.

Բողոք բերող անձ՝ «ՅՈՒՔՈՄ» ՓԲԸ

Պատվիրատու՝ «Վալերի Բոյուսովի անվան պետական համալսարան» հիմնադրամ

Գնման ընթացակարգի ծածկագիրը՝ «ԲՊՀ-ԳՀԾՁԲ-20/23» գնանշման հարցում

Գնման առարկան՝ Համացանցային ծառայությունների ձեռքբերում

Բողոքի պահանջը՝ Պարտավորեցնել հանձնաժողովին՝

1. չեղյալ հայտարարել ԲՊՀ-ԳՀԾՁԲ-20/23 ծածկագրով գնահատող հանձնաժողովի 2020թ-ի. դեկտեմբերի 3-ի նիստի՝ «Տելեկոմ Արմենիա» ՓԲԸ-ի կողմից ներկայացված հայտը հետագա գնահատման համար ընդունելի համարելու և վերջինիս բանակցությունների հրավիրելու մասին կայացրած որոշումը (թիվ 2 արձանագրությունը):

2. չկայացած հայտարարել ԲՊՀ-ԳՀԾՁԲ-20/23 ծածկագրով հայտարարված գնման ընթացակարգը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ. ԱՆԱՆԻԿՅԱՆ

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում,

իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



«Յուլթոն» ՓԲԸ
 ՀՀ, Երևան 0015, Սուրբ Գ. Լուսավորիչ 9
 «Երևան Պլազա» բիզնես կենտրոն
 Հեռ.՝ +374 (11) 400 400
 Ֆաքս՝ +374 (11) 400 401
 էլ. փոստ՝ info@ucom.am
www.ucom.am

**ՀՀ ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ
 ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ
 ԱՆՁԻՆ**

Բողոք բերող անձ՝ «Յուլթոն» փակ բաժնետիրական ընկերություն
 Գտնվելու վայրի հասցե՝ ՀՀ, ք. Երևան,
 Սբ. Գր. Լուսավորիչ 9, 0015
 «Երևան Պլազա» բիզնես կենտրոն
 Պետական գրանցման համարը՝ 286.120.1110041
 ՀՎՀՀ 00024873

Պատվիրատու՝ «Վալերի Բրյուսովի անվան պետական
 համալսարան» հիմնադրամ
 Հասցե՝ ք.Երևան, Թումանյան 42

**ԳՈՄԱՆ ԸՆԹԱՑԱԿԱՐԳԻ ԺԱԺԿԱԳԻՐՁ
 և առարկան՝** «Վալերի Բրյուսովի անվան պետական
 համալսարան» Հիմնադրամի համար
 համացանցային ծառայությունների ձեռքբերման
 նպատակով **ԲՊՀ-ԳՀԾՁԲ- 20/23** ծածկագրով
 հայտարարված գոման ընթացակարգ

Բ Ո Ղ Ո Ք

(I) Գործի նախապատմությունը.

«Վալերի Բրյուսովի անվան պետական համալսարան» հիմնադրամի (այսուհետ՝
 «Պատվիրատու») կողմից **ԲՊՀ-ԳՀԾՁԲ- 20/23** ծածկագրով 25.11.2020թ.-ին գնանշման
 հարցման մասին հայտարարություն է հրապարակվել, որի նպատակն էր ընտրված
 մասնակցին սահմանված կարգով առաջարկել կնքել համացանցային ծառայությունների
 ձեռքբերման պայմանագիր: Գնանշման հարցումն իրականացվել է մեկ փուլով՝
 էլեկտրոնային գնումների «Armepps» համակարգի միջոցով (www.armeps.am):

Պատվիրատուի կողմից համացանցային ծառայությունների ձեռքբերման «Armeps» համակարգում 25. 11. 2020թ. -ին հայտարարված և 02. 12. 2020թ.-ին բացված ԲՊՀ-ԳՀԾՁԲ-20/23 մրցույթին (այսուհետ՝ «Մրցույթ») «Յուլբոն» ՓԲԸ-ն (այսուհետ՝ «Ընկերություն»), որպես ներկայիս մատակարար, չի կարողացել մասնակցել առաջացած տեխնիկական խնդրի պատճառով, մասնավորապես՝ Մրցույթի հայտը հնարավոր չի եղել ներբեռնել «Armeps» համակարգ՝ Մրցույթի կառուցվածքի սխալ (թերի) լինելու պատճառով: Պետք է նշել, որ Մրցույթի կառուցվածքը վերբեռնվում է «Armeps» համակարգից: Այսինքն տեխնիկական խնդիրը կապված է եղել բացառապես «Armeps» համակարգի հետ և Ընկերությունը այն շտկելու որևէ հնարավորություն չի ունեցել: Վերոնշյալ տեխնիկական խնդիրը կարող էր վերացվել (շտկվել) միայն այդ համակարգը սպասարկող «ԱՅՅՈՒՆԵԹՎՈՐՔՍ» ՍՊԸ ընկերության (մասնագետների) կողմից, որը սակայն չի արվել:

Հայտը փորձել ենք ներբեռնել համակարգ 01.11.2020թ. -ի ժամը 19:00-ից մինչև 02. 11. 2020թ. -ի ժամը 15:30-ը, սակայն «Armeps» համակարգը թույլ չի տվել դա անել: Այդ ժամանակահատվածում բազմիցս կապ ենք հաստատել «Վալերի Բոյունովի անվան պետական համալսարան» հիմնադրամի գնումների բաժին (նշված հեռախոսահամարներով՝ 37411300-111/255,254; 043407409; 093018128) և տեղեկացրել խնդրի մասին:

02.12.2020թ. Ընկերության կոմերցիոն տնօրինության աշխատակից Դավիթ Եփրեմյանը «ԲՊՀ հիմնադրամ» էլեկտրոնային փոստի հասցեով (ժամը՝ 14.39-ին) էլեկտրոնային մամակ է ուղերկել՝ նշելով, որ Ընկերությունը չի կարողանում ներկայացնել մրցույթի հայտը՝ մրցույթի կառուցվածքի սխալի պատճառով:

Այնուհետև կապ ենք հաստատել ՀՀ Ֆինանսների նախարարության համապատասխան բաժին (նշված հեռախոսահամարներով՝ 011289320; 093662239), որն իր հերթին դիմել է «Armeps» համակարգը սպասարկող «ԱՅՅՈՒՆԵԹՎՈՐՔՍ» ՍՊԸ ընկերությանը, ուն կողմից մինչև հայտերի բացումը այդպես էլ որևէ պատասխան չի ստացվել: Այդ ընթացքում փորձել ենք Մրցույթի հայտը ներբեռնել «Armeps» համակարգ այլ մուտքանուններով, սակայն չի ստացվել:

Այն, որ տեխնիկական խնդիրը կապված է եղել համացանցային ծառայությունների ձեռքբերման «Armeps» համակարգի հետ հավաստվում է նաև այն փաստով, որ «Armeps» համակարգ Մրցույթի հայտ չի կարողացել ներբեռնել նաև մեկ այլ ընկերություն («ԱՐՓԻՆԵՏ» ՍՊԸ), որը ևս պատրաստվում է բողոքարկել Մրցույթի արդյունքները (թիվ 2 արձանագրությունը):

Ապացույց առ այն, որ ԲՊՀ-ԳՀԾՁԲ- 20/23 ծածկագրով հայտարարված մրցույթի հայտը չներբեռնվելու պատճառը կապված չի եղել Ընկերության որևէ համակարգի կամ մարդկային գործոնի (աշխատանքի) հետ, համոզիսանում է այն փաստը, որ Ընկերությունը

02.12.2020թ.-ին կարողացել է Պատվիրատուի կողմից հայտարարված ԲՊՀ-ԳՀԾՁԲ-20/22 ծածկագրով հեռահաղորդակցության ծառայությունների ձեռքբերման մրցույթի փաթեթը անխնդիր ներբեռնել «Armeps» համակարգ (դա երևում է սույն բողոքին կից ներկայացվող տեսաձայնագրությունում, որը կարող է հավաստել նաև Պատվիրատուն):

(II) Բողոքի փաստացի և իրավական հիմքերը, ապացույցները.

ԲՊՀ-ԳՀԾՁԲ- 20/23 ծածկագրով գնահատող հանձնաժողովը (այսուհետ՝ «Հանձնաժողով») խախտել է «Գնումների մասին» ՀՀ օրենքի 3-րդ հոդվածի 2-րդ մասը:

Բողոքի նշված հիմքը հիմնավորվում է հետևյալ փաստարկներով.

«Գնումների մասին» ՀՀ օրենքի (այսուհետ՝ «Օրենք») 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Ինչպես նշվեց վերոգրյալում՝ Ընկերության առջև ծառայած փաստացի խնդրի մասին Ընկերությունը պատշաճ կերպով տեղեկացրել է ինչպես Պատվիրատուին, այնպես էլ ՀՀ ֆինանսների նախարարության համապատասխան բաժնին, իսկ վերջինս էլ «Armeps» համակարգը սպասարկող «ԱՅՅՈՒՆԵԹՎՈՐՔՍ» ՍՊ ընկերությանը, սակայն վերջիններիս կողմից փաստացի որևէ քայլեր չեն ձեռնարկվել առկա տեխնիկական խնդիրը վերացնելու համար, ինչի արդյունքում Ընկերությանը զրկվել է Մրցույթին մասնակցելու հնարավորությունից: Այլ խոսքով՝ չվերացնելով տեխնիկական խնդիրը Ընկերությանը դուրս են թողել Մրցույթից ու տպավորություն է ստեղծվում, որ դա արվել է միտումնավոր:

Այդ մասին է վկայում այն փաստը, որ 03. 12. 2020թ. -ին տեղի ունեցած ԲՊՀ-ԳՀԾՁԲ-20/23 ծածկագրով գնահատող հանձնաժողովի նիստում Հանձնաժողովը չի արձանագրել, որ «Յուբոն» փակ բաժնետիրական ընկերությունը ցանկացել է մասնակցել Մրցույթին, սակայն «Armeps» համակարգը (առկա տեխնիկական խնդրի պատճառով) թույլ չի տվել ներբեռնել Մրցույթի հայտը (որի վերաբերյալ, թե գրավոր և թե բանավոր Պատվիրատուն պատշաճ կարգով ծանուցվել էր Ընկերության կողմից):

Տվյալ պարագայում Հանձնաժողովի կողմից <<Տելեկոմ Արմենիա>> ՓԲԸ-ի հայտը հետագա գնահատման համար ընդունելի համարելու մասին որոշումը ընդունվել է օրենսդրական պահանջների խախտմամբ, որով ըստ էության խախտվել են Օրենքով սահմանված գնման

գործընթացը միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպման պայմանագրի կնքման նպատակով մասնակիցների շրջանակի ընդլայնման և նրանց միջև մրցակցության խրախուսման ցանկացած անձի համար գնման գործընթացին մասնակցելու իրավահավասարության հիմնարար սկզբունքները, ինչի արդյունքում սահմանափակվել են ԸՆԿերության իրավունքները և հանգեցրել մասնակիցների միջև մրցակցության խաթարմանը:

Մեր կողմից ներկայացված սույն բողոքը հիմնավորվում է հետևյալ ապացույցներով՝

1) 02.12.2020թ. -ին Պատվիրատուին ուղղարկված էլեկտրոնային նամակով, որտեղ նշել ենք առկա խնդրի մասին:

2) Մրցույթին մասնակցելու ԸՆԿերության անհնարինությունն արձանագրված տեսաձայնագրությամբ, որտեղ փաստացի արձանագրված է, որ ԸՆԿերությունը կատարել անհրաժեշտ բոլոր գործողությունները՝ Մրցույթի հայտը «Armeps» համակարգ ներբեռնելու համար, սակայն համակարգը թույլ չի տվել դա անել:

3) ՀՀ Ֆինանսերի նախարարության հապատասխան բաժին կատարված հեռախոսազանգերի (093662239) քաղվածքը (որին զանգահարել և նշել ենք առկա խնդրի մասին և խնդրել ենք լուծել խնդրիդ):

4) Մրցույթի հայտի ոչ ամբողջական (թերի) կառուցվածքով, ինչը հնարավորություն չի տվել ԸՆԿերությանը էլեկտրոնային կարգով ներբեռնել (ներկայացնել) Մրցույթի հայտը:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի դրույթներով՝

ԽՆԴՐՈՒՄ ԵՆՔ

պարտավորեցնել Համձնաժողովին ընդունելու հետևյալ որոշումները՝

1. Չեղյալ հայտարարել ԲՊՀ-ԳՀԾՁԲ-20/23 ծածկագրով գնահատող համձնաժողովի 2020թ. դեկտեմբերի 3-ի նիստի՝ «Տելեկոմ Արմենիա» ՓԲԸ-ի կողմից ներկայացված հայտը հետագա գնահատման համար ընդունելի համարելու և վերջինիս բանակցությունների հրավիրելու մասին կայացրած որոշումը (թիվ 2 արձանագրությունը):
2. Չկայցած հայտարարել ԲՊՀ-ԳՀԾՁԲ-20/23 ծածկագրով հայտարարված գնման ընթացակարգը:

Կից ներկայացվում են

1. Լիազորագիրը,
2. Բողոքարկման վճարը կատարած լինելը հիմնավորող փաստաթուղթը,
3. ԲՊՀ-ԳԾՁԲ- 20/23 ծածկագրով գնահատող հանձնաժողովի 2020թ. դեկտեմբերի 3-ի նիստի թիվ 2 արձանագրության պատճենը,
4. 02. 12. 2020թ. -ին Պատվիրատուին ուղղարկված էլեկտրոնային մամակի պատճենը,
5. Մրցույթին մասնակցելու ընկերության անհնարինությունն արձանագրված տեսաձայնագրության էլեկտրոնային կրիչը,
6. ՀՀ ֆինանսերի նախարարության համապատասխան բաժին կատարված հեռախոսազանգերի (011289320; 093662239) քաղվածքը,
7. Մրցույթի հայտի ոչ ամբողջական (թերի) կառուցվածքի պատճենը:

Առդիր՝ 9 թերթ:



Բողոք բերող անձ «Յուբոն» ՓԲԸ
ներկայացուցիչ

07.12.2020թ.